

卷陸

第三十本

新
增
全圖足本醫宗金鑑

海上

局書新啟

行發



南京中醫藥大學圖書館版權所有

御纂醫宗金鑑卷六

編輯外科心法要訣

舌部

紫舌脹

紫舌脹屬心經火熱盛血壅腫硬疼舌腫滿口宜鍼刺血色紫重色紅輕註
此證由心經火盛血壅以致舌腫滿口堅硬疼痛宜用衣鍼紮筋頭上露鋒分
許當舌刺數十刺令血出紅色者輕紫色者重隨以溫水漱口搽冰硼散內用涼
膈散去朴硝大黃加牛蒡子荊芥倍用梔子服之甚效

冰硼散

見口部
驚口瘡

涼膈散

見面部
發毒

痰包

痰包每在舌下生結腫綿軟似胞形痛脹舌下妨食語火稽痰涎流注成(註)
此證生於舌下結腫如胞光軟如綿塞脹舌下有妨飲食言語色黃木痛由火
稽痰涎流注而成宜用利剪當包上翦破出痰涎如雞子清稠黏不斷拭淨搽
冰硼散服加味二陳湯忌煎炒火酒等物

加味二陳湯

陳皮

半夏製

白茯苓

黃芩

各八分

黃連

薄荷

甘草

各五分

水二鍾薑三片煎八分食前

服

消

方歌

加味二陳療痰包結腫舌下形如炮二陳湯加苓連薄荷薑煎服下自然

冰硼散

見口部 鵝口瘡

舌衄

舌衄心火血分炎舌上生孔似鐵尖或如筋頭其色紫甚黑腐爛血出泉

此證係舌上忽生孔小者如鍼尖大者如筋頭其孔色紫屬熱甚色黑防腐爛

血出如泉湧由心火上炎以致血熱妄行而成宜服升麻湯兼搽必勝散甚效

升麻湯

升麻

小薊根

茜根

各一兩 五錢

艾葉

七錢 五分

寒水石

兩三

共研每三錢水一鍾煎七分澄去渣入生地黃汁一羹匙再

煎二滾溫服或加炒側柏葉五錢亦可

方歌

升麻舌衄心火炎小薊茜根各兩半艾葉七錢五分加寒水三兩同研

爛

必勝散

螺青

研另

蒲黃

各一錢 炒

共合一處研細搽於患處後



用温鹽湯漱口

方歌 必勝心熱血妄行舌生小孔湧血紅螺青研末蒲黃炒同勻搽之自歸

經

重舌 痰核 重腭 舌疔

舌證發於心脾經其證皆由積熱成重舌舌下血脈脹痰核舌上一核生重腭生於口上腭時覺心煩梅子形舌疔舌上生紫胞其形如豆寒熱增註此證無論大人小兒俱可以生重舌者由心脾蘊熱循經上沖舌本遂令舌下血脈脹起如小舌狀故名重舌宜用冰硼散搽之痰核者心脾痰涎鬱熱舌上生核強硬作痛宜用衣鍼點破搽冰硼散內服加味二陳湯重腭者心脾有熱以致上腭生瘡形如梅子外無寒熱內時作煩此屬熱極禁用鍼刺宜服黃連解毒湯加桔梗不時用紫雪散噙化舌疔者心脾火毒舌生紫胞其形如豆堅硬寒熱疼痛應心初起宜用蟾酥丸含於舌下隨化隨噙或再服三粒以解內毒甚者刺之服黃連解毒湯兼搽紫雪散及徐徐噉之即愈

紫雪散

犀角 鎊

羚羊角 鎊

石膏

寒水石

升麻 各一兩

元參 二兩

甘草 八錢

沉香 剉

木香 各五錢



水五盃煎藥刺湯一盃將滓用絹濾去將湯再煎滾投提淨朴硝三兩六錢
文火慢煎水氣將盡欲凝結之時傾入盃內下硃砂冰片各三錢金箔一百
張各預研細和勻將藥盃安入涼水盆中候冷凝如雪為度大人每用一錢
小兒二分十歲者五分徐徐嚥之即效或用淡竹葉燈心煎湯化服亦可咽
喉腫痛等證吹之亦效

方歌 紫雪散醫積熱效 沉香犀角元參草寒水升膏朴硝加硃冰箔研入內
攪

冰硼散

見口瘡部

加味二陳湯

見痰包

黃連解毒湯

見耳部黑疔

蟾酥丸

見疔瘡門

舌疔

附癰風

舌疔心脾毒火成如豆如菌痛爛紅漸若泛蓮難飲食綿潰久變癰癰風註
此證由心脾毒火所致其證最惡初如豆次如菌頭大蒂小又名舌菌疼痛紅
爛魚皮朝輕暮重急用北庭丹點之自然消縮而愈若失於調治以致焮腫突
如泛蓮或有狀如雞冠舌本短縮不能伸舒妨礙飲食言語時津臭涎再因怒
氣上沖忽然崩裂血出不止久久延及項領腫如結核堅硬聾痛皮色如常頂

軟一點色暗木紅破後時津臭水腐如爛棉其證雖破堅硬腫痛仍前不退此為綿潰甚至透舌穿腮湯水漏出是以又名瘰癧風也蓋舌本屬心舌邊屬脾因心緒煩擾則生火思慮傷脾則氣鬱鬱甚而成斯疾其證外勢頗類喉風但喉風咽喉常腫湯水不能下嚥此證咽喉不腫可以下嚥湯水胃中亦思飲食因舌不能轉動迭送硬食故每食不能充足致令胃中空虛而怯證愈添日漸衰敗初起宜服導赤湯加黃連虛者服歸脾湯熱甚者服清涼甘露飲合歸脾湯便溏者服歸芍異功湯領下腫核初起宜用錦地羅蘸醋磨濃敷之潰後宜水澄膏貼之自古治法雖多然此證百無一生縱施藥餌不過苟延歲月而已清溪秘傳北庭丹

瓦松

澹雞矢 各一錢

番硃砂

人中白 各五分

瓦上青苔

用鹽泥封固以炭火煨紅待三炷香為度候冷開罐將藥取出入麝香冰片各一分共研細末用磁鉢刺破舌菌用丹少許點上再以蒲黃蓋之

方歌

北庭丹點舌菌生瓦松澹雞矢人中瓦上青苔番硃末罐封火煨入麝

冰

歸芍異功湯

人參

白朮 炒土

廣陳皮

白芍 炒酒

當歸身錢各一

白茯苓錢二

甘草五分

燈心五十寸水煎空心服

方歌 歸芍異功扶脾氣健胃又能止瀉利四君歸芍廣陳皮引加燈心是良劑

水澄膏

硃砂二錢

白及

白斂

五倍子

鬱金各一兩

雄黃

乳香各五錢

以上為細末米醋調濃以厚

紙攤貼之

方歌 水澄膏貼潰核驗水飛硃砂末二錢及斂鬱金雄黃乳五倍同研用醋攤

導赤湯見口糜口部

歸脾湯見乳部核乳

清涼甘露飲見唇部

喉部

緊喉風附喉風

緊喉膏梁風火成咽喉腫痛難出聲聲如拽鋸痰壅塞穴刺少商吐下功

此證由膏梁厚味太過致肺胃積熱復受邪風風熱相搏上壅咽喉腫痛聲音

難出湯水不下痰涎壅塞之聲頗似拽鋸初發暴速急刺手大指內側少商穴

出紫黑血以瀉其熱痰盛者以桐油錢導吐之吐痰後隨用甘草湯漱之以解

編輯外科心法要訣



桐油之氣內服雄黃解毒丸吐下之喉中吹白降雪散俟關開之後內宜服清
咽利膈湯按法調治隨手應效者順若面青唇黑鼻流冷涕者逆若兼項外透
腫即名纏喉風其治法雖與此證相同然終屬險惡難治

桐油錢

溫水半盃加桐油四匙攪勻用硬雞翎蘸油探入喉內撚之
連探四五次其痰壅出再探再吐以人醒聲高為度

方歌 桐油錢法導痰壅一切喉風用最靈半盃溫水桐油入雞翎蘸探吐喉
通

雄黃解毒丸

雄黃一兩

鬱金一錢

巴豆十四粒 去皮油

共研末醋糊

為丸如黍粒大每服五分津液送下

方歌 雄黃解毒緊喉風開關通閉火能平巴豆去油鬱金末醋糊為丸黍粒
形

白降雪散

石膏一錢五分 煨

硼砂一錢

煇硝

膽礬各五分

元明粉三分

冰片二分

共研極細末以筆管吹入喉內

方歌 白降雪散喉風證腫痛聲難風火凝煇石膏與膽礬末煇硝硼片共元

明

清咽利膈湯

牛蒡子

研炒

連翹

心去

荆芥

防風

梔子

研生

桔梗

元參

黃連

金銀花

黃芩

薄荷

甘草

各一錢生

大黃

朴硝

各

水二鍾淡竹葉二錢煎八分食遠服

方歌

清咽利膈喉痛消疎風清熱蒡連翹荆防梔桔參連草銀花芩薄大黃

硝

慢喉風

慢喉發緩體虛生微腫咽乾色淡紅或由暴怒五辛火或因憂思過度成

註

此證有因平素體虛更兼暴怒或過食五辛而生者亦有憂思太過而成者俱屬體虛病實其發緩其色淡其腫微其咽乾舌見滑白胎大便自利六脈微細脣如鑿色若午前痛者服補中益氣湯加以清涼如麥冬黑參桔梗牛蒡子服之若午後作痛作渴身熱足冷者陰陽兩虛也忌用苦寒宜少陰甘桔湯以宣達之若面赤咽乾不渴者其脈必虛大以甘露飲服之必效俱兼用冰硼散一錢加燈草煨灰存性三分吹之立驗

甘露飲

天冬

心去

麥冬

心去

黃芩

生地



熟地

枇杷葉 炙蜜

石斛

枳殼 炒

茵陳蒿

甘草 各等分

水二鍾煎八分食後服

〔方歌〕

甘露飲清內熱侵面赤咽乾生液津天麥冬苓生熟地枇杷斛草枳茵

陳

補中益氣湯 見濟

傷門

少陰甘桔湯

見口部

冰硼散

見口部

喉閉

附酒毒

喉閉肝肺火盛由風寒相搏腫咽喉甚則腫痛連項外又有酒毒當細求

此證由肝肺火盛復受風寒相搏而成咽喉腫痛面赤腮腫甚則項外漫腫喉

中有塊如拳湯水難嚥語言不出暴起身發寒熱急刺少商穴或鍼合谷穴以

開咽喉初宜疎散服荊防敗毒散寒熱已退即用清咽利膈湯兼吹紫雪散隨

以薑汁漱口以宣其熱或用醋漱以消積血痰壅塞者桐油錢探吐痰涎若腫

發於項外膿脹痛者防透咽喉不可輕鍼急用皂角末吹鼻取嚏其腫即破或

兼用皂角末醋調厚敷項腫須臾即破初腫時用生羊肉片貼之喉閉聲嘶者

肺氣將絕急宜獨參湯救之若卒然如啞吞吐不利係寒氣客於會厭也宜蜜

灸附子片含之勿嚥初終忌用苦寒之藥恐難消難潰又有酒毒喉閉由酒毒



蒸於心脾二經熱壅咽喉腫色黃其人面赤目睛上視以桐油餞導吐痰涎
宜服鼠黏子解毒湯亦用紫雪散吹之

鼠黏子解毒湯 鼠黏子研炒 桔梗 青皮 升麻

黃芩 花粉 甘草生 元參 梔子研生

黃連 連翹心去 葛根 白朮炒土 防風

生地各等分 水煎食後服

方歌 鼠黏解毒酒毒閉桔梗青皮能降氣升芩花粉草元參梔連翹葛朮防

地

荆防敗毒散見項部 清咽利膈湯 桐油餞俱見喉風 紫雪散見舌部重

舌 獨參湯見潰瘍門

啞瘡喉風

啞瘡喉風腫痛咽牙關緊急不能言風痰湧塞咽膈上火盛生痰風搏源一註

此證頗類緊喉由肺胃蘊熱積久生痰外受風邪與痰熱相搏湧塞咽膈之上

而成斯疾初起咽喉腫塞疼痛湯水難嚥語言不出牙關緊急此屬險候急用

雄黃解毒丸水化用細竹管將藥水吹入鼻孔直達咽喉藥入作嘔即令患者



吐之其牙關頓鬆咽喉即稍開通先與米飲飲之次服清咽利膈湯兼吹冰硼散用藥不應者險若唇黑鼻流冷涕者逆

雄黃解毒丸

清咽利膈湯

俱見喉風緊

冰硼散

見口部瘡

弄舌喉風

弄舌喉風心脾經實火外寒凝滯成舌出攪動因脹悶咽喉作腫更兼疼澀此證由心脾實火與外寒鬱遏凝滯而成咽喉腫痛痰涎堵塞音啞言澀舌出不縮時時攪動覺舌脹悶常欲以手捫之故名弄舌急刺少商穴穴在兩手大指裏側去指甲角旁韭葉寬即是用三稜鍼刺之有血者生無血者死噙蟾酥丸徐嚥藥汁若痰涎上湧不能嚥藥者急用桐油餞探吐痰涎隨服清咽利膈湯吹金鎖匙若喉內如松子及魚鱗狀不堵塞者此屬虛陰上浮急用蜜灸附子片噙嚥其汁即效

金鎖匙

冰片二分五釐

白殭蠶一錢

雄黃二錢

煇硝一兩五錢

硼砂五錢

各研末和勻以細筆管吹入喉內腫痛處

方歌

金鎖匙吹弄舌風心脾火鬱外寒乘消痰逐熱陳疼痛冰片殭蠶雄煇

硼

蟾酥丸

見疔瘡門

桐油錢

清咽利膈湯

俱見喉風緊

喉疔

喉疔初覺陰虛成噤乾刺痛色淡紅腎火炎上金受尅破爛失音臭腐疼
此證一名陰虛喉疔初覺咽噤乾燥如毛草常刺喉中又如硬物隘於咽下嘔
吐酸水噦出甜涎淡紅微腫微痛日久其色紫暗不鮮頗似凍榴子色由腎液
久虧相火炎上消燠肺金薰燎咽喉腫痛日增破爛腐衣疊若蝦皮聲音雌症
喘急多痰臭腐蝕延其疼倍增妨礙飲食胃氣由此漸衰而虛火益盛煩躁者
宜服知藥地黃湯若吐酸噦涎者宜服甘露飲加川黃連便燥者兼服萬氏潤
燥膏面唇俱白不寐懶食者宜歸脾湯加酒炒川黃連腫吹紫雪散腐吹八寶
珍珠散其證投方應病或者十全一二否則難救

萬氏潤燥膏

豬脂一觔切碎煉油去滓加煉過白蜂蜜一觔攪勻候凝挑

服二匙日用三五次

方歌

萬氏潤燥膏神驗降火清金滋便乾豬脂煉油加白蜜挑服失音也能

症

八寶珍珠散

兜茶

川連末

川貝母

去心研

青黛

各一分

紅褐燒灰存性

官粉

黃藥末

魚腦石煨

琥珀末各一錢

人中白二錢

硼砂八分

冰片六分

京牛黃

珍珠各五分

煮半炷香時取出研末

麝香三分

各研極細末共兌一處再研勻以細筆管吹

入喉內爛肉處

方歌 八寶珍珠喉疔腐冰麝兒茶連貝母紅褐官粉黛牛黃腦石中白藥硼

琥

知藥地黃湯

即六味地黃丸加知母黃藥見面部雀斑

甘露飲

見慢喉風

歸脾湯

見乳部核

喉癬

喉癬咽乾生苔癬初癢時增燥裂疼過飲藥酒五辛火微爛延開蟻蛀形註

此證一名天白蟻咽嗑乾燥初覺時癢次生苔癬色暗木紅燥裂疼痛時吐臭

涎妨礙飲食由過食炙博藥酒五辛等物以致熱積於胃胃火薰肺而成斯疾

宜服廣筆鼠黏湯未潰吹礬精散已潰吹清涼散患者清心寡慾戒厚味發物

或者十全一二若失治兼調理不謹致生微爛延漫開大疊起腐衣旁生小孔

若蟻蛀蝕之狀多致不救

廣筆鼠黏湯

生地黃

浙貝母

各三錢

元參

甘草

各二分



鼠黏子酒炒

研

花粉

射干

連翹各二錢

白僵蠶一錢

苦竹葉二十片水二鍾煎八分飢時服

方歌 廣筆鼠黏喉癬乾初癢生苔裂痛漆生地元參花粉貝連翹射干白僵

蠶

清溪秘傳礬精散

白礬

不拘多少研末用方磚一塊以火燒紅

覆蓋四面灰攤一日夜礬飛盡上掃下用二錢

白霜梅

二箇

真明雄黃

穿山甲

各一錢

共研細末以細筆管吹入喉內

方歌 礬精散用火燒磚水濕布礬上覆盤掃霜再兌雄梅甲研末吹喉癬自

痊

清涼散

硼砂三錢

人中白

二錢

黃連末

一錢

南薄荷六分

冰片五分

青黛四分

共研極細末吹入喉癬腐處

方歌 清涼散吹天白蟻胃火薰金成此疾薄黛冰硼中白連腐裂疼痛皆可

去

上膠癰

上膠癰若葡萄形少陰三焦積熱成舌難伸縮鼻紅涕口難開合寒熱增

註

此證又名懸癰生於口中上腭由心腎經與三焦經積熱而成形若紫葡萄舌難伸縮口難開合鼻中時出紅涕令人寒熱大作宜黃連消毒飲加桔梗元參服之兼吹冰硼散或日久腫硬下垂不潰者以燒鹽散日點三五次兼服射干丸過時失治飲食不入煩躁神昏者逆

燒鹽散

食鹽火燒

枯白礬各等分

二味研細以筋頭蘸點患上

方歌 燒鹽散治上腭癰懸似葡萄色紫形枯礬燒鹽等分末筋頭蘸點消熱

射干丸

射干

川升麻

杏仁去皮尖

甘草各五錢

木鼈子

川大黃各二錢炒

以上研細末煉蜜和丸如小彈子大每用一

丸口中含化徐嚥

方歌 射干丸療懸癰患熱聚成形口開難大黃升草木鼈杏蜜丸彈狀口中

含

黃連消毒飲

見頭部百會疽

冰硼散

見口部

鎖喉毒

鎖喉毒生因積熱外感風寒耳前結外似瘰癧漸攻喉心與小腸聽會穴

此證由心與小腸積熱外感風寒凝結而成初生於耳前聽會穴形如瘰癧漸攻咽喉腫塞疼痛妨礙飲食證須速治宜服牛黃清心丸開關解熱兼服清咽利膈湯吹冰硼散投方應效方能成功

牛黃清心丸

九轉膽星

兩一

雄黃

黃連末

錢各二

茯神

元參

天竺黃

五倍子

末

荊芥

防風

桔梗

犀角末

當歸

錢各一

冰片

麝香

珍珠

各五分
瓦腐煮

京牛黃

輕粉

各三分

各研極細末共和一處再研

勻甘草熬膏和丸如龍眼大硃砂為衣日中曬乾收入磁瓶內將瓶口堵嚴

勿令出氣臨服時一丸薄荷湯磨服

方歌

牛黃清心鎖喉毒
茯輕冰麝參雄竺
珍倍荆防桔膽星
犀角歸連熱退

速

清咽利膈湯

見喉緊

冰硼散

見口口部
鵝口瘡

乳蛾

乳蛾肺經積火成雙輕單重喉旁生狀若蠶蛾紅腫痛關前易治關後凶註

此證由肺經積熱受風凝結而成生咽喉之旁狀如蠶蛾亦有形若棗栗者紅



腫疼痛有單有雙雙者輕單者重生於關前者形色易見吹藥易到手法易施故易治生於關後者難見形色吹藥不到手法難施故難治俱宜服清咽利膈湯吹冰硼散易見者膿熟鍼之難見者用雞翎探吐膿血若兼痰壅氣急聲小探吐不出者險急用三稜鍼刺少商穴出紫黑血仍吹服前藥緩緩取效

喉瘤

清咽利膈湯見緊喉風冰硼散見口部瘡

喉瘤鬱熱屬肺經多語損氣相兼成形如元眼紅絲裏或單或雙喉旁生此證由肺經鬱熱更兼多語損氣而成形如元眼紅絲相裏或單或雙生於喉旁亦有頂大蒂小者不犯不痛或醇酒炙博或困怒氣喊叫犯之則痛忌用鍼刀宜服益氣清金湯以消瘤碧玉散點之即效

益氣清金湯

苦桔梗三錢

黃芩二錢

浙貝母去心研

麥冬去心

牛蒡子各一錢分炒研

薄荷

人參

白茯苓

陳皮

生梔子研

甘草各一錢生

紫蘇五分

竹葉三十片

水三鍾煎一鍾食遠服滓再煎服

〔方歌〕益氣清金肺熱攻注喉成瘤元眼形陳蒡芩蘇苦桔貝麥冬梔薄荷草參

苓

消瘤碧玉散

硼砂三錢

冰片

膽礬各三分

共研細末用

時以筋頭蘸藥點患處

方歌

消瘤碧玉點喉瘤開結通喉熱可搜君以硼砂冰片兌膽礬末入患皆

疹

胸乳部

甘疽

甘疽憂思氣結成膺生穀粒紫萼形寒熱硬痛宜速潰潰遲須防毒陷攻

註

甘疽圖



甘疽生在乳上肉高聳處



此證由憂思氣結而成生於膈上即胸膈兩旁肉高處屬肺經中府穴之下無
論左右皆能為患初如穀粒色青漸若枯萸色紫堅硬疼痛憎寒壯熱速潰爛
膿者順若過十日寒熱不退信膿不生脈見浮數防毒內陷攻裏致生惡證屬
逆初宜服荆防敗毒散以疎解寒熱次服內託黃耆散應期不潰者急服十全
大補湯託之其餘內外治法按癰疽腫瘍潰瘍門

荆防敗毒散

見項部
腦疽

內託黃耆散


見背部
中搭手

十全大補湯

臈中疽

見潰
瘍門

臈中疽起粟粒形色紫堅硬漸焮疼七情火毒發任脈急隨證治緩成凶註
此證生於心窩之上兩乳中央屬任脈經臈中穴由臟腑不和七情不平火毒
凝結而成初起如粟色紫堅硬漸生焮熱腫痛憎寒壯熱宜急服仙方活命飲
加蘇葉薄荷葉汗之或煩躁作嘔脣焦大渴宜奪命丹清之俟表證已退急服
託裏透膿湯若瘡勢不起屬虛宜十全大補湯託之但臈中為氣海氣之所居
焉施治貴早若遲則毒陷攻裏傷膜透氣者逆其餘內外治法俱按癰疽腫瘍
潰瘍門



從醫宗全錄
外科心法要訣

臃中疽圖



臃中疽生在兩乳中央

仙方活命飲 見腫門
 奪命丹 見背陰

十全大補湯 見清

脾發疽

脾發疽生心下旁灸燔毒酒火為殃初如粟粒時寒熱漸增腫痛潰膿昌註一
 此發生於心窩下兩旁屬脾經食竇穴無論左右俱生之皆由過食炙燔厚味
 藥酒以致脾經積火成毒而發初起形如粟粒寒熱往來漸增腫痛若頂尖根
 束紅活鮮潤應期即潰稠膿者順若頂平根散色紫堅硬屆期不潰既潰膿如
 蟹沫者逆初服荆防敗毒散汗之脣焦大渴煩躁者宜服太乙紫金錠次服內

託裏透膿湯 見頭疽

疎黃連湯清之其餘內外治法俱按癰疽腫瘍潰瘍門

脾發疽生在心窩下兩傍

脾發疽圖



太乙紫金錠

一名紫金丹
一名玉樞丹

研末

麝香

二錢揀淨
皮毛研末

紅芽大戟

杭州紫大戟為上
之北方綿大戟色白者性烈峻利

雄黃

三錢鮮紅大
塊者研末

硃砂

三錢有神氣者

弱者去蘆根洗淨焙乾為末
一人服之反致吐血慎之勿用
取五錢

山慈菇

二兩洗去毛
皮焙乾研末

千金子

一兩一名續隨
子仁白者去油

川五倍子

二兩一名文
蛤槌破研末

以上之藥各

擇精品於淨室中製畢候端午七夕重陽或天月德天醫黃道上吉之辰凡

入室合藥之人三日前俱宜齋沐更換新潔衣帽臨日方入室中淨手薰香

預設藥王牌位主人率眾焚香拜禱事畢各將前藥七味稱準入於大乳鉢

內再研數百轉方入細石臼中漸加糯米濃汁調和軟硬得中方用杵搗千餘下極至光潤為度每錠一錢每服一錠病勢重者連服二錠以取通利後用溫粥補之修合時除合藥潔淨之人餘皆忌見此藥惟在精誠潔淨方效

方歌 太乙紫金諸瘡毒疔腫癰疽皆可除雄硃倍麝十金子紅芽大戟山慈菇

一一切飲食藥毒蠱毒瘴氣惡菌河豚中毒自死牛馬六畜等類之肉人誤食之必昏亂卒倒或生異形之證並用水磨灌服或吐或瀉其人必甦

南方山嵐瘴氣煙霧癘疫最能傷人感之纔覺意思不快惡寒惡熱欲嘔不嘔即磨一錠服之得吐利便愈 一癰疽發背對口疔瘡天蛇無名腫毒疔節紅絲等疔及楊梅瘡諸風癰疹新久痔瘡並用魚灰淡酒磨服外用水磨塗搽瘡上日夜數次覺癢而消 一陰陽二毒傷寒心悶狂言亂語胸膈塞滯邪毒未出瘟疫煩亂發狂喉閉喉風俱用薄荷湯待冷磨服 一赤白痢疾肚腹泄瀉急痛霍亂絞腸痧及諸疾喘並用薑湯磨服 一男子婦人急中顛邪喝叫奔走鬼交鬼胎鬼氣鬼魘失心狂亂羊兒豬顛等風俱用石菖蒲煎湯磨服 一中風中氣口眼歪邪牙關緊急言語蹇澀筋脈攣縮骨節風腫偏身疼痛行步

艱辛諸風諸癩並用酒磨炖熱服之 一自縊溺死驚死壓死鬼魅迷死但心
頭微溫未冷者俱用生薑續斷酒磨服 一一切惡蛇風犬毒蠍溪澗諸惡等
蟲傷人隨即發腫攻注徧身甚者毒氣入裏昏悶響叫命在須臾俱用酒磨灌
下再喫葱湯一盃被蓋出汗立甦 一新久瘧疾臨發時東流水煎桃柳枝湯
磨服 一小兒急慢驚風五疳五痢脾病黃腫癰疹瘡瘤牙關緊急並用薄荷
浸水磨濃加蜜服之仍搽腫上年歲幼者每錠分作數服 一牙痛酒磨塗痛
上仍含少許良久嚥下 一小兒父母遺毒生下百日内皮塌爛斑殼道眼眶
損爛者俱用清水磨塗 一打撲傷損用松節無灰酒研服 一年深月近頭
脹頭痛太陽痛極徧頭風及諸瘡愈後毒氣攻注腦門脹者俱用葱酒研服一
錠仍磨塗太陽穴上 一婦人經水不通紅花湯下 一凡遇天行疫證延街
闔巷相傳徧染者用桃根湯磨濃滴入鼻孔次服少許任入病家再不傳染
一又治傳尸勞瘵諸藥不能取效一方士指教服此每早磨服一錠至三次後
逐下惡物尸蟲異形怪類後得脫利以此相傳活人不計其數 一女子久患
勞瘵為尸蟲所噬磨服一錠片時吐下小蟲十餘條後服蘇合香丸其病頓失
調理月餘而愈真濟世衛生之寶藥也

荆防敗毒散 見項部

內疎黃連湯 見腫瘍門

井 疽 圖



井疽生在心窩中庭穴

井疽

井疽心火發中庭初如豆粒漸腫疼心躁肌熱脣焦渴紅活易治黑陷凶 註

此證生於心窩屬任脈中庭穴由心經火毒而成初如豆粒腫痛漸增心躁如焚肌熱如火自汗脣焦大渴飲冷急服內疎黃連湯或麥靈丹若煩悶作嘔發熱無汗者奪命丹汗之如紅活高腫者順黑陷平塌者逆其餘內外治法俱按癰疽腫瘍潰瘍門若潰後經年不愈者必成穿心冷瘻難治

內疎黃連湯

麥靈丹

俱見腫瘍門

奪命丹

見背陰陽二氣疽

蜂窩疽

蜂窩疽形似蜂窩胸側乳上瘡孔多漫腫紫痛心火毒黑陷者逆順紅活
此證生於胸側乳上亦有偏身而發者由心火毒盛而成色紫漫腫疼痛身發
寒熱初起六七孔漸漸延開有三五寸亦有六七寸者形似蜂房即有數十竅
每竅出黃白膿宣腫瘡面全腐腐脫有新肉色紅鮮潤者順若出黑水氣穢平
塌者逆始終內外治法俱按癰疽腫瘍潰瘍門遇氣寒之人至八九日不潰以
神燈照每日照之應期即潰

蜂窩疽圖



蜂窩疽生在乳房之上形如蜂房

神燈照法
見首卷

御纂醫宗金鑑

卷六

編輯外科心法要訣

三

上海致新書局發行

南京
上海
大學
圖書

蠱疽

編輯外科心法要訣

蠱疽生於缺盆中初豆漸李堅紫疼寒熱尿澀宜蒜灸證由膽胃積熱生
 此證一名缺盆疽又名髑骨疽生在胸上項下髑子骨內軟陷中缺盆穴屬膽
 胃二經積熱而成初發寒熱往來筋骨拘急飲食不思胸腹膨脹小水短澀初
 發如豆漸大如李色紫堅硬疼痛初宜艾壯隔獨頭蒜片灸之內服奪命丹汗
 之次服六一散通利小水膿勢將成宜服內託黃者散氣血虛甚者宜服十全
 大補湯託補之其餘內外治法俱按癰疽腫瘍潰瘍門此證宜急託治若失治
 腐爛內陷瘡口難斂必成敗證

蠱疽圖



蠱疽生在髑子骨軟陷中

上海中醫藥大學圖書館藏
 上海中醫藥大學圖書館藏

六一散

滑石 六兩

甘草 一兩

共研末每服三錢燈心煎湯

調服

方歌

六一散醫小水癢能除燥濕熱有功滑石甘草研成末燈心湯調服之

通

奪命丹

見背部陰二氣疽

內託黃耆散

見背部中搭手

十全大補湯

見瘡門

瘰癧疽

瘰癧癰在乳旁生結核紅腫硬焮疼包絡痰凝脾氣鬱治宜溫舒化堅凝

此證生於乳旁初腫堅硬形熱結核發長緩慢漸增焮腫色紅疼痛由包絡寒

痰脾氣鬱結而成係寒證非熱證也治宜溫和舒鬱化堅以內補十宣散服之

外敷回陽玉龍膏消之如不消膿勢將成也內外治法即按癰疽腫瘍潰瘍門

內補十宣散

人參

黃耆

當歸 各二兩

桔梗

厚朴 薑製

川芎

白芷

肉桂

防風

甘草 各一兩炙

共研末每服三錢熱黃酒調服不飲酒者木香煎湯調下

方歌

內補十宣諸腫毒已成令潰未成消參耆桔朴芎歸草芷桂防風熱酒

調



瘕癰瘕

回陽玉龍膏

見腫瘍門

內外吹乳

吹乳乳毒乳腫疼內吹胎熱痛焮紅外吹子鼻涼氣襲寒熱煩渴結腫疼註

乳房屬胃乳頭屬肝而有內吹外吹之分內吹者懷胎六七月胸滿氣上乳房結腫疼痛若色紅者因多熱也不紅者既因氣鬱且兼胎旺也多熱者宜服柴胡清肝湯氣鬱者宜服逍遙散外俱敷沖和膏必消或初腫失於調治或本人復傷氣怒以致大腫大痛其勢必欲成膿宜用逍遙散加黃耆白芷連翹以養血排膿治之膿潰之後宜調養血氣待生產後按潰瘍治法方得收口妊娠用



瘕癰癰生在乳旁



藥禁忌另有歌訣詳載首卷外吹者由乳母肝胃氣濁更兼子吮乳睡熟鼻孔涼氣襲入乳房與熱乳凝結腫痛令人寒熱往來煩躁口渴初宜服荆防牛蒡湯外用隔蒜灸法俟寒熱退仍腫者服橘葉枯萋散外敷沖和膏消之其腫消之不應者將欲作膿即用透膿散其餘內服外敷之法俱按癰疽腫瘍潰瘍門又有至如內未懷胎外未行乳而生毒者係皮肉為患未傷乳房此肝胃濕熱凝結而成乳毒也法當按瘡癰治之無有不效者

荆防牛蒡湯

荆芥

防風

牛蒡子

研炒

金銀花

陳皮

花粉

黃芩

蒲公英

連翹

心去

皂刺

各一錢

柴胡

香附子

甘草

各五分生

水二鍾煎八

分食遠服

隨

方歌

荆防牛蒡乳外吹寒熱腫疼俱可推銀花陳草柴香附花粉芩蒲翹刺

橘葉枯萋散

橘葉 二十箇

枯萋

量證用半箇或一箇

川芎

黃芩

梔子

研生

連翹

心去

石膏

煨

柴胡

陳皮

青皮

各一錢

甘草

五分生

水二鍾煎八分食遠服滓再煎服

紫腫焮



痛用石膏紅腫者去之

〔方歌〕橘葉桔萸吹乳證涼襲熱乳凝結成芎苓桅草連翹等石膏柴與陳皮

青

柴胡清肝湯

見頭部 髮疽

逍遙散

見背部 上搭手

冲和膏

透膿散

見傷

隔蒜灸法

見首卷 灸法內

乳疽 乳癰

乳疽乳癰乳房生肝氣鬱結胃火成癰形紅腫焮熱痛疽形木硬覺微疼癰發膿成十四日疽發月餘膿始成未潰託裏排膿治已潰大補養榮靈〔註〕此證

總由肝氣鬱結胃熱壅滯而成男子生者稀少女子生者頗多俱生於乳房紅腫熱痛者為癰十四日膿成若堅硬木痛者為疽月餘成膿初起往來熱寒宜服桔萸牛蒡湯寒熱悉退腫硬不消宜用復元通氣散消之若不應復時時跳動者勢將潰膿宜用託裏透膿湯膿脹痛者鍼之宜服託裏排膿湯虛者補之如人參養榮十全大補等湯俱可選用外敷貼之藥俱按癰疽腫瘍潰瘍門

桔萸牛蒡湯

桔萸仁

牛蒡子

研炒

花粉

黃芩

生梔子

研

連翹

心去

皂刺

金銀花

甘草

生



陳皮各一錢

青皮

柴胡各五分

水二鍾煎八分入煮酒一杯

和勻食遠服

乳疽圖



〔方歌〕 栝萸牛蒡胃火鬱憎寒壯熱乳癰疽青柴花粉芩翹刺銀花梔子草陳

皮

復元通氣散見腫瘍門 託裏透膿湯見頭部侵腦疽

託裏排膿湯見項部魚尾毒

人參養榮湯 十全大補湯俱見瘍門潰

乳發 乳漏

乳發如癰胃火成男女皆生赤腫疼潰久不斂方成漏只為膿清肌不生〔註〕



乳癰圖



乳癰

此證發於乳房焮赤腫痛其勢更大如癰皮肉盡腐由胃腑濕火相凝而成治法急按乳癰未成形者消之已成形者託之腐脫遲者黃靈藥撒之以免徧潰乳房致傷囊榻難以收斂若久不收口外寒侵襲失於調養時流清水者即成乳漏外用紅升丹作搃以去腐生肌再兼用豉豆餅灸法緩緩灸之以祛寒內當大補氣血節勞煩慎起居忌發物漸可生肌斂口而愈

黃靈藥

紅升丹

俱見潰瘍門

豉豆餅

見首卷灸法內

乳中結核

乳中結核梅李形按之不移色不紅時時隱痛勞巖漸證由肝脾鬱結成

註



此證乳房結核堅硬小者如梅大者如李按之不移推之不動時時隱痛皮色如常由肝脾二經氣鬱結滯而成形勢雖小不可輕忽若耽延日久不消輕成乳勞重成乳巖慎之慎之初起氣實者宜服清肝解鬱湯氣虛宜服香貝養榮湯若鬱結傷脾食少不寐者服歸脾湯外俱用木香餅熨法消之甚效

清肝解鬱湯

當歸

生地

白芍

川芎

陳皮

半夏

貝母

茯神

青皮

遠志

桔梗

蘇葉

梔子

木通

甘草

香附

水二鍾

薑一片

煎八分

方歌

清肝解鬱貝茯神四物青皮遠夏陳梔桔通蘇香附草能消乳核氣鬱

伸

歸脾湯

人參

白朮

棗仁

龍眼肉

茯神

黃耆

當歸

遠志

木香

甘草

生薑

三片紅棗肉二枚水煎服

方歌

歸脾湯治脾胃怯食少怔忡夜不安棗遠龍眼參歸草茯神耆朮木香

煎



木香餅

生地黄一兩 搗爛

木香五錢 研末

共和勻量結核大小作餅貼

腫上以熱熨斗間日熨之堅硬木痛者每日熨之

[方歌] 木香餅消乳核方舒通結滯功倍強生地研爛木香末和餅貼患處之

良

香貝養榮湯見項部 上石疽

乳勞

乳勞初核漸腫堅根形散漫大如盤未潰先腐黴斑點敗膿津久勞證添註此證即由乳中結核而成或消之不應或失於調治耽延數月漸大如盤如盃堅硬疼痛根形散漫串延胸肋腋下其色或紫或黑未潰先腐外皮黴點爛斑數處漸漸通破輕津白汁重流臭水即敗漿膿也日久潰深傷膜內病漸添午後煩熱乾嗽顴紅形瘦食少陰虛等證俱見變成瘡勞初結腫時氣實者宜服萸貝散及神效枯萸散氣虛者逍遙散及歸脾湯合而用之陰虛之證已見宜服六味地黃湯以培其本外治法按癰疽潰瘍門然此瘡成勞至易獲效甚難

萸貝散

枯萸

貝母去心 研

南星

甘草生

連翹各一錢 去心

水二鍾煎八分澄滓加酒二分食遠服

一加青皮升麻



翹

〔方歌〕 萸貝散治乳結核漸大失調變乳勞初腫氣實須服此南星甘草共連

神效枯萸散

大枯萸

一箇去皮 焙為末

當歸

甘草

各五錢 生大

沒藥

乳香

各二錢

共研細末每用五錢醇酒三鍾慢火熬至一

鍾去滓食後服之

〔方歌〕

神效枯萸沒乳香甘草當歸研末良乳勞初腫酒煎服消堅和血是神

方

逍遙散

見背部 上搭手 歸脾湯 見乳中 結核

六味地黄湯

即六味地黃丸 煎劑見面部雀斑

乳巖

乳巖初結核隱疼肝脾兩損氣鬱凝核無紅熱身寒熱速灸養血免患攻耽延
續發如堆粟堅硬巖形引腋胸頂透紫光先腐爛時流污水日增疼潰後翻花
怒出血即成敗證藥不靈〔註〕此證由肝脾兩傷氣鬱凝結而成自乳中結核
起初如棗粟漸如棋子無紅無熱有時隱痛速宜外用灸法內服養血之劑以
免內攻若年深日久即潮熱惡寒始覺大痛牽引胸腋腫如覆盆堅硬形如堆
粟高凸如巖頂透紫色光亮肉含血絲先腐後潰污水時津有時湧冒臭血腐

爛深如巖壑翻花突如泛蓮疼痛連心若復因急怒暴流鮮血根腫愈堅斯時
 天臟俱衰即成敗證百無一救若患者果能清心滌慮靜養調理庶可施治初
 宜服神效枯萸散次宜清肝解鬱湯外貼季芝鯽魚膏其核或可望消若反復
 不應者瘡勢已成不可過用剋伐峻劑致損胃氣即用香貝養榮湯或心煩不
 寐者宜服歸脾湯潮熱惡寒者宜服逍遙散稍可苟延歲月如得此證者於腫
 核初起即加醫治宜用豆粒大艾壯當頂灸七壯次日起炮挑破用三稜鍼刺
 入五六分插入冰螺散搥于外用紙封糊至十餘日其核自落外貼絳珠膏生
 肌玉紅膏內服舒肝養血理脾之劑生肌斂口自愈

乳 巖 圖



乳巖

季芝鯽魚膏
活鯽魚肉
鮮山藥各等分
以上共搗如泥加麝香少許

塗核上覺癢極勿搔動隔衣輕輕揉之七日一換旋塗即消

方歌 鯽魚膏貼乳巖疾腫如覆盆似堆粟山藥同研加麝香塗於患處七日

易

冰螺燃

硃砂二分

大田螺五枚去殼線穿曬乾

白砒即人言一錢二分

分麩裏煨熟去麩用砒

冰片一分

將螺肉切片同白砒研末再加硃砂同碾細

以稠米糊搓成燃子磁罐密收用時將燃插入鍼孔外用紙糊封貼核上勿動十日後四邊裂縫其核自落

方歌 冰螺燃消諸核癰硃砂螺肉煨白砒再加冰片米糊燃乳巖堅硬用之

宜

神效枯萸散見乳

香貝養榮湯見項部

清肝解鬱湯

歸脾湯俱見乳中

核結

逍遙散見背部

絳珠膏搭手部

生肌玉紅膏俱見潰瘍門